

吳文節公遺集

吳文節公遺集卷七十三目錄

詩

題黃樹齋侍郎集萬安橋碑詩冊四首

壽洪春衢先生

人驂九十

寄劉鏡河廣州

寄蔣子瀟孝廉

湘南

卽次其集中述懷詩韻並效

其體

送張卓山之官南澳

丙午閏中八月十五夜坐

奎宿堂圖爲蔣玉峰司馬賦

詠茶陵易安人刲臂療夫事安人陳岱雲太守室也

送荻傳壻入都卽次其留別同人韻

東院新竹

仿坡公製銀篆香盤屑雜香遺篠雲先生先之以詩

篠雲先生旣和香盤詩復用坡公壽子由元韻見贈惓惓於舍弟禮闈之捷並計及於家兄之得信可較先期望殷勤感何可已次韻奉酬

四孫詠

并引

蘭孫

竹孫

稻孫

芥孫

新樂府二首

打爆竹

擡響轎

書方文伯寄示家乘後

答吳希穀前輩卽次其見懷韻

嵌字對亦名集錦本酒令耳移以銷暑月白更闌

之際亦足資戲劇助談諧也戲詠其事

吳文節公遺集卷七十三

男養原謹編

詩

題黃樹齋侍郎集萬安橋碑詩冊四首

環海稱巖險如何俗益囂

帝心殷側席星使亟乘輶  
移節推元老循繩肅庶僚  
素餐愧經歲空復鬢蕭蕭

蠻煙竟何物噓氣欲乘空  
番舶能爲厲樓船孰策功  
異軍驚特起名捕振羣蒙

威德憑宣布羣材鼓舞中

百廢期同舉功先次第敷舳舻聯島嶼枹鼓靖荏苒虎  
猛懲官墨蝸爭憫俗愚卽今爭買犢耕鑿想歌呼  
利濟此襟抱豐碑契古人高文欽結琲偉績當鐫珉瘴  
雨逢炎夏江船憶早春漫言鴻雪印履憲劇堪循

壽洪春衢先生

人驛

九十

百里才會覲幹局千秋業更擅文章仁民化已孚炎嶠

舉仁化多惠政

衛道功能助紫陽

西河毛氏力攻朱注  
先生著書一一駁正

不愧邑名焉

之元氣蟠胸春盎盎德容粹面度汪汪回思漢上題襟

日接席師資敢或忘

冰清卅載堦鄧偕蔗境回甘慰老懷筆付阿郎原未晚

六句外詩賡新婦亦殊佳子婦工詩聲名山斗推尊宿飲啖

風流軼輩儕我愧報章逋宿諾百齡百韻待重排先生

時以自壽詩八章郵京師屬和匆匆未報期以九句補作今復以九句用原韻自壽詩見示意徵前諾也而予簿書迷悶仍不及依次奉答謹寄二詩侑觴小子詩債之展竊率先生壽量之餘也

### 寄劉鏡河廣州

聖主憐才日儒生感遇年驂騑步初騁雕鶚氣無前綺  
歲身能致清時續待宣聲華王儉早德器晏殊賢昔者  
酣文戰因之締夙緣荆枝輝四映瓊樹藹孤寒彩識眉  
間異人疑體格仙得廬誇出手快意著先鞭中秘窺千  
軸西清擅八瓊木天詞筆富桂海使輶旋地本論思切



冠尤柱後妍舉菱方告棘削草亟膳箋慘淡爲魚後憂  
傷害馬先默邀

三接契

特假一麾便鱣窟孚民志鯨波靖海壖定知襄大府豈  
謂答

高天旌節花胎滿功名樹骨堅鄉應忘寶玉業尙守青  
氈漸羽占儀吉升階協茹連相期珍重意一笑問夔虵

寄蔣子瀟孝廉

湖南

卽次其集中述懷詩韻並效

其體

接席廿載前高論滋汗喘緘書千里來束筍盈幾卷

以時

西征述賢母節孝錄  
春暉閣詩集見贈

展讀忘宵深霜鐘間寒犬豁若心

茅拔不暇手薇浣行役述西征搜考逮斯篆哀哀表母

節悽惻痛民鮮豪吟百篇詩言言布帛暖許身稷契儔

懷抱想遐緬而乃悔所作嗟焉傷陋褊

君屏棄詞章壹意治經見集首

洪序

經義味無涯在室室爲滿周孔文在茲許鄭迹諦

眄上揖白虎儒儒林足冠冕餘力窮九章布策雜修短

一一實測求如搜腸滌腕算學盛我

朝宣城實首選江戴繼而起幹立枝蔓翦二李

尚之申耆兩先

生更後勁中西分競免論究潛孳堂

錢詹事

義闢琅環館

阮相

嗟予情無知口箝顏祇赧近者吾鄉中焦

里堂先生循

羅

茗香先生士琳

業敦勉精詣邁疇人強力急負蜚羅星各捫

胸窺天匪持管行覓所著書寄君淮水遠德業君已成

簿書我餘懶作詩聊寫心用資一笑莞竊會敵斂兵

方君

戒

潛師旆偷展堅壁氣已降敢言戰且轉庶幾惠好音

霏霏玉屑辯函達及先春朋來期筮蹇示以精進幢一

砭筋骨軟

### 送張卓山之官南澳

讀律不讀書幹局成矯誣讀書少心得體立用亦迂善  
會古人意卽事審所圖上手皆要領劇易無殊途君貌  
樸且拙君才敏且腴自言乏長策視民廩區區束吏如

東溼去惡如去蕪先難後節目久乃浹民膚餘力更課  
士訟庭時操觚而所尤措意武備廩不虞今時郡縣吏  
兵籍無一夫俗吏因慢之謂非職所須不知事能豫伍  
伯皆公徒豈惟嚴桴鼓親長寓良模所以民有勇知方  
心乃孚惟

帝念巖疆粵海筦閩樞才弱任曷勝地要官非麤

御屏邀

特簡

恩命來

天衢

知人仰

聖哲素抱藉以紓報稱諒有在無或憂孫盧

丙午閏中八月十五夜坐

森沈鎖院沈寥天又值翹材集衆仙三度月看輪最滿  
癸卯甲辰及今萬人敵想戰無前香遲庭桂延秋雨陰  
歲凡三次監臨藹池楊帶晚烟鹿洞鵝湖多舊學科名知不僅文傳

皇華玉節斗山崇吹律還欣姓氏同叨共梓鄉聯舊雨

憶曾粉社詠春風

衡甫菴卿兩主試同鄉同姓殊爲佳話而與予亦皆同鄉舊好也菴卿則

更幼同里巷者櫝珠到眼應增賞窗燭論心未易窮風味煎茶

饒此夜敢催校閱效坡翁

奎宿堂圖爲蔣玉峯司馬賦

使星所聚聚德星奎宿分輝含光熒瀛洲十八列廣坐  
點勘有似人橫經畫禪作者冀傳久染素濡毫羅衆有  
使輶他日續笙詩補入此圖同不朽

謂哲嗣申甫太史

詠茶陵易安人刲臂療夫事安人陳岱雲太守室  
也

真氣蟠鬱出至性婉孌孝德何孤負精誠所格天可回  
不欲言功豈名競賢哉易安人所天遘危病醫禱術已  
窮刲臂思一應想其抽刃時撫呵百神聽血肉潰淋漓  
仁至勇乃併藏刀裹創不知痛手和藥進心爲凝夫生

身死吾何惜夫病良瘥吾事竟察微有弟似潛知急戒  
勿言識彌定憂能傷人勞亦劇夫算克延促婦命頗疑  
天道胡此醉罰善降殃滋聽瑩豈知修短數有常况乃  
闕幽寓微柄逃名事或秘生前既死庶從發懿行紛紛  
歌泣感婦孺投牒有司愜鄉評封章上達動

天顏綽楔

榮施九衢映側聞

朶殿

語從容

清問載承顛末罄

時岱雲簡放知府  
召對時詢問甚悉

聖人意豈爲一人立懦廉頑繫

國政

送荻傳壻入都卽次其留別同人韻

東風先春來綠孕瀛洲草  
治行及茲辰川涂淨汗潦  
子年富景光初旭輝杲杲  
千里待馳騁一編恣研討  
古人重經術自得冀深造  
視爲祿利途稗販等庸保  
程試有正軌孱力陋穿縞  
六籍植其根九機搗厥藻  
頗聞制舉業不乏斷輪老  
譬如穀種五精鑿出杭稻  
子藝喜有成蘭亭寫初好  
妙義亟爬搜陳言務拚掃  
子才無不宜泛應比噓稿  
榮名非爲身肯堂念若考  
浩浩金銀臺神山



陟三島投時不徇時狂瀾挽既倒莫漫艱苦忘冬烘笑  
頭腦聯轡胡研與徐孟卿少推襟而送抱良友資切劘  
人海避熱惱功業任自爲致身幸及早勿謂小可忽倒  
細慣文祿勿謂遠難躋周行有坦道憲迹臚前賢壁壘  
堅可擣鷗擊小滄溟鶯遷喜晴昊屈指到春明上丁虔  
祭禱吾弟襄事歸商量各陳藁同著祖生鞭快啖安期  
棗含情對杏花名德庶永寶

東院新竹

苔徑旬未涉數竿新綠森嶄然見頭角期爾蔚烟林根  
節乘時意栽培隔歲心去夏種數十竿活數竿耳脩脩有喜色甘雨

昨宵深

仿坡公製銀篆香盤屑雜香遺篠雲先生先之以

詩

百和聊當花氣薰霏霏玉屑策奇勲可能畫永羣氛豁  
怡稱心清衆妙聞製異鴨爐煩火宿篆工鳥迹認灰紋  
竊欣卅載賢人近予弱冠卽獲交君着紙都疑襲遠氛

篠雲先生旣和香盤詩復用坡公壽子由元韻見  
贈惓惓于舍弟禮聞之捷並計及于家兄之得  
信可較先期望殷勤感何可已次韻奉酬

投詩淡泊無由芬伴以麝劑希微薰報章已掩羣雅羣

大篇賡續如嶺雲迫思筆硯君苗焚倒繡敢復矜五紋  
我家兄弟雁飛分君詩元氣爲氤氲慰喜卻先大馮君  
燕城烟樹鄰淮墳予季禮闈昨戰文房房矮屋蟭巢蚊  
枯芸不覆徒云云翰墨奚以恢殊勲十年已苦屢僨軍  
舊恩栽植心空勤秫田五畝飲可醺怡怡一室期同耘  
予亦息轍返桑枌負乘差幸免糾紛辦香惟向師門爇  
蘭言日益聞所聞

四孫詠

并引

篠雲先生因積雨新晴階前蘭竹秀發怡性庭  
柯股懷農圃作四孫詠見貽祝予抱孫詞多獎

借愧不敢當次韻奉酬

蘭孫

涼月深叢挹露光  
新芽茁處喜徵祥  
夙根遠帶三湘澤  
靈液重滋九畹香  
搯手弱憐紉佩好  
同心味許詠言長  
敢誇謝氏庭階植  
再世春風久被芳

錫弟原兒  
先後及門

竹孫

誦芬我自幸生成  
私印鐫來押紙榮

子鐫私印別號竹  
孫以先祖號竹如

誌慕莫論侯封千畝富  
但欣稚子一林生  
錦綳脫處珠

胎霽粉籜揩餘玉  
質清取次吉占符  
舊什

伯兄昨歲旋  
里留別原兒

詩有好護庭前數竿竹  
擬煩詩句品鍾嶸

再來我要看生孫之句

男文館五通集卷十三  
稻孫

一雨都教衆綠繁懷新留已徧郊原如雲合衍雲仍澤  
貽穀還培穀我根主伯護持常食德弟兄種種各爭蕃  
大科曾豔傳佳話朱昆田先生名稻孫繼其祖竹垞翁先後舉詞科爲海內僅見荒落  
慚予負

國恩

芥孫

菜根滋味舊堪尋霜露東園澤又深節峻須彌清白緒  
氣涵雲夢繼繩心浮切弱態時方弄捨腐詒謀書許淫  
愧少遺經掇青紫翩翩且任免毫揜

新樂府二首

打爆竹 戒侈費也江右俗以五月六日游神  
於街挨戶以爆竹迎之謂之打爆竹以多爲貴  
不知起於何時所費以千萬計

山居毆魅爆以竹剪紙何年更約束繩連絲貫藥實中  
騰響偶資吉事卜南州稗俗太無聊忽將闐闐比山椒  
玟期午日後一日舉國若狂塵上囂題一木居士誰某  
強姓氏望門投止火速迎神不汝訾人汝訾似煙黔突  
續萬家如雷殷山厓一市須臾千萬貫金錢化作一堆  
焦故紙吁嗟乎禮儺獵較非所擬結習應須革淫侈薰

陶白愧民未孚蒸變奚由俗洵美君不見五通神土木  
像傚漂且焚睢州何人今莫聞

擡響轎 懲游民也塗松脂於神轎之楨端一  
步數作態俾轎之響聲不絕謂之擡響轎皆無  
賴游手爲之

鸞和在車行佩玉音節鏘鳴矩步肅易車以轎近便逸  
由人及神徒慢驢睢盱何處來狂奴赭肩椎髻相持扶  
有聲鴉軋忽疑轡輿端橫木松脂塗強作步搖謂工走  
槃辟蹢躅適形醜以神爲戲神有知響應直須叢禍咎  
胡爲馳逐喧阗仍糾糾可知神非神人非人啫啫唧唧

聞者生怒嗔聲聞已憐下乘墮咿嚶敢齒輿臺論且寬  
土偶水火厄清淨一龕付彌勒惡子科之城旦春聲聲  
入耳杵當風

書方文伯寄示家乘後

太息琴書付阿誰一編家乘意堪悲非關華胄矜門閥  
爲誦清芬寄慕思耆舊待收他日傳風微久作世人師  
嗟予總角嬉同巷猶及靈光歸葬時

答吳希穀前輩卽次其見懷韻

衡宇相望數枉過春明回首意如何楷模我久心爲折  
獎借君嫌好近阿三載報書慵轉劇一編絕業惠偏多



論心最是難忘處鎖院宵深共浩歌

癸巳同分校

片帆昨向廣陵過問字門停客幾何舊價文章高秘省  
新知教澤樂中阿傳經望合桓君重補史功推鑿齒多  
君以足疾引退頃注通鑑已有成書慚負高才成薄植  
先祭酒師嘗以韓高才生見勉門空復憶絃歌

嵌字對亦名集錦本酒令耳移以銷暑月白更闌  
之際亦足資戲劇助談諧也戲詠其事

閒吟漫等無題禁體頗疑有律一字闌入窘鄉難任思  
拙乙乙

捶字翻嫌魚貫集衡不許燕多接葉移花伎倆如青儷

白曰窠

僧衲依然有痕天衣偶爾無縫美人熨帖求平顛倒天  
吳紫鳳

語大方窮宙合小言忽到毫顛老子韓非同傳不嫌作  
合無緣

典索枯腸欲竭功資良冶頻煎得間非關獼祭忘言還  
棄魚荃

句聯蘇邁未可詩寫阿買亦宜謂原兒建姪畧識文心組織

猶賢博奕有爲

吳文節公遺集卷七十四目錄

詩

和篠雲先生喜重建滕王閣落成

盆蘭次篠雲先生韻

酬江抱冬表姪

丁未秋中次男綵兒生篠雲先生以詩見賀次韻  
述懷

寄和金芥臣先生六十自述韻

書賈以舊籍數十種求售欣然有作

雨中木芙蓉

盆菊次篠雲先生韻

赴贛閱兵往返兼旬途中得詩八首

豐城縣

樟樹鎮王文成公駐師討宸濠處

泰和道中

贛縣山行

下灘

江雨

曉起

卽目

篠雲先生見予閱兵南鎮途中雜詩惠題一篇述  
及近事詞多獎藉次韻奉酬

讀辟能詩

寄別費鶴江方伯

寄別陸虹江廉訪

寄別熊璧臣觀察

寄別吳小穀太守

寄別蔣玉峯司馬

泊富陽避潮

詞

金縷曲

楊花

滿江紅

題友人看劍引杯圖

吳文節公遺集卷七十四

男養原謹編

詩

和篠雲先生喜重建滕王閣落成

形勝居然據上游崢嶸高閣此江頭三唐才學文傳地  
百粵巖疆勢控喉謠咄忽驚災譴告艱難苦向劫灰籌  
豈徒一取登臨快古蹟今情總待酬

水衡無計覓餘金亭館荒涼思不禁忽漫狐裘成集腋  
賴分鶴俸有同心構楹材備恢雲構瓴甓功勤惜日陰  
秋水落霞應好在何人彩筆繼高吟

珠簾畫棟想前模帝子歸來事有無幾輩滄桑應付劫

一朝文物未容蕪新書千里緘能寄乞阮相國重書楹聯舊搨雙

鉤字待摹翁書王序重為摹刻屏間更有燬餘殘石在莫將煤汙任

模糊王書陳賦

才人昨歲一帆懸到及秋初暑退天君去歲七月望前到此三日後閣即

災豈謂馬當風正利翻嗟烏噪月空圓大篇曾照灰中

燼君有七古記閣焚事新什真看筆似椽愧我七年迷簿領待乘

良會啟賓筵

盆蘭次篠雲先生韻

妙契同心自同臭如蘭之言言每富高吟况復屑罪罪



薰漬餘芬資淑茂  
估帆昨月卸花場  
瓦盆購置君子堂  
當風孤箭散濃馥  
謂此繼起莖苗良  
經旬花信杳難確  
敗葉離披那破萼  
卻憐新葉茁方新  
似待護持與人約  
翻然急補課花功  
勤施攘剔疏深叢  
炎炎午日障牖北  
瀼瀼宵露滋庭中  
怒生花亦解人意  
花不能言夜月寵  
先生愛花代花語  
寵以詩句如清風  
寵花寵及蒔花客  
獎借齒芬許入室  
駢羅吉語重栽培  
霏微妙諦流馨逸  
是時大地苦歔蒸  
一味清涼得未曾  
忽爾謝階動賒想  
爲紉君句先有徵

酬江抱冬表姪

君曾祖母我祖姑親串百年情匪疎我壯宦游君幼學

參商卅載動睽孤豈惟萍梗迹相左雙鯉浮沈書未果

謁來文字締因緣到眼爲驚詞璨瑳倒屣方思阮瑀延

蓮花沼上怵人先

予方緘書致君而君已先爲蓮塘學使延訂

合并此地亦

良慰咫尺天涯又溯沿

君以學署關防不恒出

跡遠心親交有道

真醇意氣盈襟抱一篇投我百珠璣懷舊情深如共討

卻憶當年宅相成人言此舅復此甥吟壇踴厲偕諸老

片楷珍同尺璧瑩

予童時與家兄檢敗簾得秋史表伯與先祖暨金樓亭江橙里諸先生唱

和短箋數幅予兄亟爲裝池藏之

倘望君今後來秀家風繼武清吟富

祇予荒落百無成慙負並無甌可覆

答來詩意

丁未秋中次男綵兒生篠雲先生以詩見賀次韻  
述懷

愛憐情寄抱孫先老蚌珠光趁月圓也向庭階期茁玉  
可能陸地賀生蓮錦綳顛倒嗤嬌母湯餅紛綸祝大年  
我愧一經無可授弄麈先恐誤詩篇

見丙秋宵吉曜臨充閭佳氣欲盈尋鳳雛或許清聲擅  
鶴骨先慙老態深風送壘簾吹待和露分文武布兼沈  
里諺各人頭上有一曉來更就義文卜三索猶賒望蜀  
露珠言自求多福也

心

喜劇情均伯仲間且將憾事補香山不虛占夢酬兄願

待欲論功假妾顏千里慇懃籌乳哺雙丫媚好護瑤環  
一帆新漲春江上載得瓊枝返舊關

敢謂清操慕隱之頻番獎飾愧多詞蘭香已驗前期夢  
桐乳還催待發枝瞥眼竹林相比並關心芹沼擷參差  
文章他日能傳弟識取師門轉手時

寄和金芥臣先生六十自述韻

離棕枳觸幾星周巾履追陪憶舊游每到鄙生思叔度  
更誰欵啟益孫休淮山桂樹馨天末滕閣蘋風滿渡頭  
遙想吟情豪正劇一枝椽筆滌冰甌

自壽詩成自寫懷八千椿算此初階功名長物襟原淡

文字寒芒劒豈埋列宿長庚干氣象豐詞李甲驗根芽  
卽看玉樹庭前植鵲起聲華福孔皆

浩落胸期不受塵哀然大集已齊身青瑣自足留眞未

白社都知尠敵人分派詩應傳魯直

謂黃生

問奇酒許載

陳遵

謂古愚

竹林消息今何似漢水淶山迹莫親

謂子春璞生

砭砭會許試昆吾劇切光瑩等索途歧路忽教紛軌轍  
好音猶自協笙竽春風被物因端見澗水尋源識脈迂  
知否弱翰能自奮一池新藻待春鳧

書賈以舊籍數十種求售欣然有作

不必果中秘已多未見書蹉跎前日事沈浸此生餘售

憶如逢友新知忽啟予價高酬不惜插架欲忘劬

雨中木芙蓉

冷豔富秋風雨餘千朶紅花多枝欲亞色淺暈初融采  
采空江上亭亭暮靄中拒霜終讓菊晚節護深叢

盆菊次篠雲先生韻

堆案文書日紛擾花事銷沈吟興渺重陽佳節忽已過  
欲展秋期終草草驚心樹麥鞠榮時啼晴鎮日憎簷鳥  
枕函昨夜雨聲粗浩蕩郊原耕墾小喜劇翻令逸思生  
落英籬畔知多少平頭晨出壓擔歸縛帚培泥盆盎倒  
密排冷豔雲錦張濃浥清芬露華曉商量位置稱高齋

爲乞筆花酬麗藻一篇矜寵寫秋心許共寒梅盟歲杪  
卻因妍唱續年年頗惜流光縈在抱予亦皤然霜鬢老  
追逋急補新詩藁去歲君與胡汪兩君詠菊疊韻至數十予因事未作憶舊猶思  
壁上觀歸人僂指長安道胡汪兩君頃已相約旋西留將殘蕊待嚴  
霜收拾吟懷應共好佳色多緣遲益佳鑄金老圃誇儲  
寶不憂兒輩妨此樂徧酌酈泉及乳保原作及予新生幼子故戲答焉  
赴嶺閱兵往返兼旬途中得詩八首

豐城縣

城緣隄作障隄乃與城平劒氣消沈久江流偃仄行西岸  
沙洲日漲江勢東偏城根漁舟恣掀舞蛟窟懼縱橫徒治懷前策艱

難籲眾情

明王文成公卽有移縣治西岸之議因民情苟安未果

### 樟樹鎮王文成公駐師討宸濠處

百塵殷軫據通聞使節當年歷錯盤飛檄眾心能猝集  
覆巢逆膽已先寒驕王暮氣成擒易暴主雄猜欲格難  
戡亂得君關實學漫將禪悟肆譏彈

### 泰和道中

老樹經霜綠倍加峯峯迴合抱山家山前幾棧黃如染  
新苗寒蔬已作花

### 贛縣山行

百尺危峯勢攖擎峯腰路轉愛停車眼明一抹渾如雪



開徧沿山木梓花

下灘

洄洑流方駛，巘岈石與爭。峯迴愁臨束，灘急覺舟橫。瞥  
爾岸都活，鏗然篙有聲。榜人各無語，惶恐灘名此時情。

江雨

郵籤昨夜萬安過，出險舟人樂且那。水縮舊痕沙岸濶，  
雨霏斜腳浪花多。艣聲嘔軋搖殘夢，鉦響喧阗雜短歌。  
莫羨來帆都飽挂，前途灘石正差我。

曉起

曉起嚴寒似稍降，新晴初日透篷窗。演迤遠岫趨昭武，

清淺寒流泝峽江  
枯比塘崇排雁戶  
網如陣列曬漁艘  
閒鷗自得閒中趣  
踏浪飛飛隻復隻

卽目

塔峙知城近  
隄高苦屋低  
不知舟楫轉  
渾誤岸東西

篠雲先生見予閱兵南鎮途中雜詩惠題一篇述  
及近事詞多獎借次韻奉酬

嚴霜肅肅森平蕪  
乘時簡卒蒐公徒  
南方風氣限疆里  
柔弱頗疑狎如水側聞

廷議咎與尸往轍顛危足懲矣  
辛丑歲江西兵赴浙防夷以不得力將帥均獲  
壯觀敢矜荼火容止齊戒及馬牛風練士應須先練

將選鋒壁壘嚴軍中

天語六章資飽讀

高宗御製訓兵六章前曾刊發各營

急籌禦侮消蠻

觸甲兵伊古稱上刑爲待非常服不服詎今奸黠肆不靖雀鼠敢將

國憲競常刑事若出非常埽穴擒渠民乃靜信州撫州昨戒嚴安良除莠恩威兼何物鹽徒更憑險當車螳臂潛窺覘紛紛飛檄肅行陣搏兔豈容忘敬勝弊俗亟思頑獷更平間間難任塵翼甚所慚無術畏民志革薄奚由孚眾意縱今小醜告功成德化空餘懷古情

讀辭能詩

可憐大樹憾虬蟬譏訕居然到武侯何論荔支楊柳什  
肆將輕薄笑前修

矜氣驕心滿紙橫可曾天道悟謙盈亂兵夜半推留後  
不是牙軍習慣成

寄別費鶴江方伯

七載相依倚論心劇喜同寬嚴用人意緩急度支功春  
漲塵郵報秋田計廩崇江干一攜手離思浩無窮

又報三年政會欣

一德孚

今春君以六年屆滿請  
恩許仍俟下屆再行奏請

恩先隆節鉞

帝久重訐謨蒿目哀鴻集殫心涸鮒蘇賢勞正相憶

悵泝彭湖

今歲水災頗重  
君方籌辦撫卹

寄別陸虹江廉訪

西風蕭槭感頻生惜別悲秋客思縈一載官聯欽有道  
百年交誼訂同聲雲司聞望推前度日起勲名滿後程  
回首離觴滕閣畔吳山楚水不勝情

寄別熊璧臣觀察

久歷艱辛境一官方有爲牢盆關

國計刀幣慎官司羨溢劉君賦敲撈坡老詩市原無擾  
貴法最得情宜餘事稱詞客閒情作畫師與君襟抱洽

別緒正無涯

寄別吳小穀太守

論交三十載聚首又洪都白髮浩如許素心良不孤韋  
弦各知佩襟抱每相孚滕閣蘋風滿離懷共鬱紆

城郭綠楊好卜居斯地宜當君初服遂傳世大文垂拙  
政滋予疚

殊恩負

聖慈低徊誓江水不敢效坡詩  
君意將歸田著書並擬卜居邦上予心有忤忤焉

寄別蔣玉峯司馬

合弁章水屢經年宦轍君尤在我先三  
五辭今每待犀然功名笑欲貲郎伍  
君方援捐輸例得敘觀察弓冶  
欣看繼體賢玉笥山頭頻悵望西風瑟瑟記離筵

泊富陽避潮

餘怒濤聲尙海門艤舟盡日且逡巡赴官渾似兒逃學  
屬吏都疑佛幻身  
見各縣手版責任者多以彼署此缺此署彼缺甚有終年間住省垣而本  
缺轉委人署理密雨漸和愁緒織早潮已證退思因富春山色  
原如畫看不分明是旅人

詞

金縷曲

楊花

脫樹隨風舞，悵年年成團。逐隊伊誰是，主怕到春濃。  
春易晚，攪碎春光如許。試想此飄零，情緒容易游絲。簾外  
引又等閒捲向花陰去。斜照裏，頃時聚。長隄日日春  
雲阻，問東風連番蕩漾，是何太鹵。眠起嬌癡前度，慣飄  
泊於今難住。只倦意有誰堪語。薄命因緣如此矣。算到  
頭，逝水都無據。萍泛泛，定何處。

滿江紅

題友人看劍引杯圖

三尺縱橫，幕勾得許多熱惱。算只有迷離一片，醉鄉堪



老秋水寫神雷煥卓春風放膽劉伶妙趁沈酣便欲倚  
崆峒神龍矯 繻棄去事誰料壺擊碎意誰曉便拚  
壘塊怎澆到了斫地浩歌哀地狹看天白眼愁天小甚  
麴生識得此心無掀髯笑

吳文節公遺集卷七十五目錄

賦

斗牛間有紫氣賦

星宿海賦

允猶翕河賦

疏川導滯賦

河流順軌賦

吳文節公遺集卷七十五

男養原謹編

賦

斗牛間有紫氣賦

以題爲韻

天迴星高地凝土厚靈物特鍾寶光迸剖魁府之墟天  
田之數非蜺非虹若左若右鋒穎躍而騰雙霄路澄而  
徹九千辟萬灌連真宰以因心十色五光企精英而翹  
首此神劍藏諸豐城而奇氣可占牛斗客有觀而詫焉  
者游我乎瑤闕凭我乎瓊樓則見紫紅萬狀紫翠千頭  
映建旗而芒作耀析木而光稠等霞標兮十丈儼雲錦

今三秋錯疑大海瀾迴翻來彩鳳豈是函關人到跨出  
青牛宜乎其技窮博物而路悵阻修也維雷煥者象緯  
夙爛遐探月窟高矚烟寰謂物華之久醞遂天寶之呈  
顏金精盤鬱玉宇爛爛龍影潛而何黝虎氣上而皆殷  
秋水一條石匣森沈之會春華萬品珠躔晃朗之間夫  
以茲劍之始也顓元精襲氣母雷公擊橐以高擎風伯  
擁鑪而虛受雪漬鵲瑩星寒鼉吼倚長鋒於天外罄無  
不宜傳利器於人間得未會有鑄從昔日倘太乙兮下  
觀弄自何年定神丁兮爲守豈知精氣未許久湮真氣  
勿容終委縱橫三尺蝕少苔紋照耀幾重輝分微市房

駟明而紫輶聯帝居鄰而紫宮倚每值英華發越片蓬  
幾橫遙知光景常新霜青電紫遂乃因物寄情分符作  
地百里其可專寶千金而良慰探自重泉應從五緯  
入手之陸離爰同心而珍貴分攜冰刃拂拭千番回  
視星河蒼茫一氣則知器以美而必彰物以求而可遇  
期積厚以流光惟守真而葆素況我

國家寶重求賢

儀思式度萬年有道銷兵爲日月之光四海咸熙買犢  
事耕耘之務所由庶嘉洋溢將占候以陳疇景緯光昭  
願書雲而奏賦

星宿海賦

以桃花已後遠水安流爲韻

金隄環鞏玉鏡周遭坤輿溥潤乾象流膏九澤旣陂湖  
委驗尾閭之廣三霄可挹探原窮星宿之高蓋疏遠派  
於千尋勢方脫筭而快恬波於萬頃津豈迷桃原夫河  
之爲浸也崑岡地峻葱嶺途賒砂泉漱滌積石交加截  
雲根而拍岸鼓風力以循涯波平澄練浪激飛花漾竹  
箭之輕流隨以屈折注蒲昌之遠脈來自幽遐蓋有窮  
遠是圖探奇未已于闐則俗廣見聞火敦則地縣邈池  
縱來一葦龍門之險隘已過飛落重山鳥迹之迷離可  
指任委輸於九曲派別支分考歸宿於一方源長流駛

則見地迴沙平土深澤厚遠若捫參高疑挹斗參差則  
萬點星羅錯雜則五方星守汨汨其來涓涓彌瀏芒寒  
溜急儼晨光厯落之初脈注輝騰似夜色森沈之後其  
流無窮其源有本其勢泡泡其形混混浥而不竭人功  
何待於疏通潤以潛滋地軸自爲其管槩長豈矜夫百  
谷異派相聯地自衍夫九川經流特遠是則勢蘊滔滔  
量涵瀾瀾仰接九重俯臨尺咫旣遠送而長輸亦疏涵  
而密倚論海以言晦道本屬於歸墟而星取象形理自  
徵夫順軌說無煩於鑿空漫乘萬里之槎氣若鼓其馮  
虛輕瀉九天之水方今

聖天子治彌六合

功宰萬端洽

恩波於無旣慶德水之常安濫觴溯牛斗之墟榮光瑞  
霽就下協馮蠡之氣裔采華攢底宣防之成績覩清霽  
於安瀾所由舟楫道通就淺深而著詠南東澤溥合壤  
甸以臚歡猶且

辰居錫極

乙夜宣猷偶偏隅之入

告卽

睿畧之勤求地道必區其脈絡



宸衷特示以營謀所由臻安孟之成效快歸壑以恬流  
雲靄

螭坳卿景聯五星之色風和鱗隱朝宗臚四海之謳

允猶翕河賦

以九川滌源九澤旣陂爲韻

玉鏡澄清金隄左右高接山環平瞻土負壤咸則而爲  
三派亦疏而有九溯成允成功之績禹迹可由契靜專  
靜翕之機周疆克守此衷對者徧浹夫波臣而懷柔者  
先嚴於川后想其道承式序禮洽吉蠲修隆儀而宗嶽  
導大澤而奠川會同極千八百國巡狩準一十二年爾  
猶式固惟允勤宣覩四海之恬波闡符谿瀆合萬流之

仰鏡沛德淵泉故省俗特勤夫萬乘抑安瀾永慶乎八  
挺原夫河之慈嶺乍踰崑岡是厯積石迢迢砂泉漱滌  
源探牛斗之墟險勒龍門之績鼓地軸以豐隆截雲根  
而迅激非支分而派別象協澄清曷浪駛而潮平誠輸  
涓滴爾乃一曲一直或委或源長空浩浩遠勢渾渾馮  
蠡和切紫鳳彩翻流委輸於萬里氣鼓蕩於一元九天  
之異派同歸注蒲昌而激宕百谷之衆流畢滙漾竹箭  
而潺湲流則常沖虛原善受如音之翕而克諧如羽之  
翕而相偶翕則氣惟其聚儼疆圉之弼以五千翕則勢  
異於張何雲夢之吞其八九千尋浩汧爰象舉夫安盃

眾派淵淪用孚占夫盈缶於是快遄行紀于役經綽臨  
流登封沛澤波送遠而千層影涵空而一碧挾奔湍於  
風馭雲駢隆秩祀於方圭圓璧允之爲言信也故往來  
占潮汐之符允之爲言誠也故滙合驗朝宗之迹寰九  
州而作鎮爵本視侯冠四瀆以效珍長應稱伯方今  
聖天子至德綱維

睿謀經緯奠德水以常恬洽

恩波於無旣喬采覩其飛騰榮光晬而黻黼宣防永賴  
用清宴之登歌

祭告虔修爰靈祇之集禋所由利通舟楫道遐邇以咸

周澤溥田疇灌南東而功漑然猶

辰居錫極

乙夜塵思偶偏隅之入

告卽

睿畧之勤施則壤

堯封地道必區其脈絡捐金

舜陞

宸衷密示以機宜道咸安於順軌功永峙夫長陂此則

五老徵祥仰

蘿圖而啟瑞萬年貫利瞻

松棟而繁釐

疏川導滯賦

以行其所無事也爲韻

天生神禹績奏平成迹窮步亥道協夷庚統遐陬而孟  
覆開廣路而鏡清順其性以疏通賦修三壤迎其機而  
利導宅奠四瀛勢派衍分南條北條之各判波流浩蕩  
九山九澤之兼營夫是以功無或曠而水得遄行也原  
夫川也者衆流之所吐納百谷之所網維瀆有四而江  
爲之長名有九而河別其支火敦遠脈天塹宏規方將  
溯茲迅激挹彼淪漪脫筭無驚恬波濤於向若濫觴直  
下詠深滋以就其杭一葦兮浪駛轉千軸兮帆隨然當

濬鑿未施節宣或阻孟津之會合無從伊闕之迢遙何  
所束萬重之華嶽難憑仙掌峻嶒聳百尺之岷山孰快  
中流容與勢延九曲未分乎如釜如鉤流別千尋莫辨  
夫有沱有渚及其決排旣力浩汧與俱壅者就瀾急者  
使紆任重瀾之激宕妙一氣之委輸紫鳳之輝光彌煥  
蒼蛟之奮擊都無其順以爲導也則盈科而始進其曲  
以爲導也則束帶而自趨其導之以旁通也如分乎一  
緯一經之緒其導之以竟注也如遵乎八達九達之途  
是蓋四載勞心八年勵智計時而癸甲勤劬授職而庚  
辰驅使理符川至循脈絡以無違德契川冲用溯洄而

有事以故靈效丹淵圖呈綠字欣順軌之徵祥覩安瀾  
之協瑞箭激濤飛練澄波媚星游河而占五津漾浮天  
源出峽而傾三安貞應地我

皇上至治彌綸

聖謨陶冶洽德水以登歌溥

恩波而錫嘏猶且

澤沛函春

惠周方夏廔措注於偏隅益旉幪以廣廈底平者慎以  
宣防就下者安其傾瀉所由紀千百渠朝宗之盛方之  
舟之昭億萬年清宴之庥悠也久也

河流順軌賦

以導河東行水歸其壑爲韻

聖天子德浹萬方宅周四隩函夏澄清熙春覆燾奠四海之會同滌九川以利導

恩波洽而繁祉臻德水恬而

成功告榮光晻靄軌途咸與爲遵循庥氣彌綸河伯亦形其舞蹈原夫遐探星海高接銀河出崑岡而迤邐踰葱嶺而滂沱濫觴溯牛斗之墟尙潛行以伏地縱葦鑿龍門之險乃涌出以盈科砂泉滙注積石差巖疏千尋之遠派濂一綫之澄波此則河之源也而非支委之經過若夫華陰地接底柱道通播已九而脈方自北厠爲



二而勢已趨東雲根截其浩渺地軸鼓其豐隆非派別而支分區其條理曷瀾恬而浪駛觀厥沖融爾乃一曲一直如鏡如衡輯鯨波以常定導馬頰以遡行如軌物之範而莫越如軌轍之懸以爲程瓜蔓桃花就下遠標夫天塹龍堂貝闕朝宗遙接乎寰瀛則見順適無違順成有紀練掣濤平瓢翻波委其迅駛也如循途而馭夫微塵其浩沔也如遵道而覆平平砥其諸川之翕飲也如八達九達之同歸其眾派之淪漪也如經涂環涂之合揆淵涵脫筭萬里恬波激宕跳珠九天瀉水其流渾渾其勢依依川后趨而就列波臣率以來歸馮螭和切

紫鳳彩飛泥維六斗之傾注蒲昌而束帶華豈雙峯之  
摩激竹箭而迎機是蓋

聖謨廣運

至德綱維魚鼈已徵其威若龍馬亦効其珍奇清宴登  
歌輦金隄而環峙宣防永賴刻玉琢而修儀所由功漑  
田疇灌南東而倬彼道通舟楫詠深淺而就其然猶

惕慮彌周

規爲極博偶告患於偏隅卽廛思於

睿畧捐金

舜陛

宸聰默示以機宜則壤

堯封地道咸區其經絡用臻成效於安孟快覩恬波之  
歸壑此則

蘿圖啟瑞祥徵五老之泳游益欽

松棟凝庥利溥萬年之愷樂